



**MEĐUNARODNI FORUM  
SOLIDARNOSTI - EMMAUS**

**BOSNA I HERCEGOVINA**



**Dragi prijatelji,**

Ako upravo čitate ovo pismo, vjerujemo da ste presretni kao i mi. Iz godine u godinu imamo priliku da šaljemo na hiljade pisama zahvale prema svima Vama koji ste ponovo pružili podršku nama kao Udruženju sa ciljem pružanja pomoći u ostvarivanju osnovnog obrazovanja djece u Africi.

Ove godine smo poslali rekordan broj stipendija i shvatili da zaista zavrijeđujemo Vaše povjerenje na čemu Vam se iskreno zahvaljujemo.

MFS-EMMAUS je za školsku 2021/2022. godinu prikupio sredstva za finansiranje 3.677 učenika u selima Sourou, Tendatenga, Kouzoughin, Kouka, Ballole, Goghin, Gasma, Tangseghin, Guesna i Napalgue u zapadnoj afričkoj državi Burkina Faso, što je ukupno 13.576 stipendirane djece od 2014. godine. Pored obezbijeđenih stipendija za Burkinu Faso, prošle godine poslali smo i šesti kontejner humanitarne pomoći.

Ono što nas posebno raduje je činjenica da svake godine proširujemo svoj angažman stipendiranja djece na dodatna naselja zahvaljujući vašim uplatama. Sada su to tri nove seoske škole u Burkini Faso (Sourou, Tendatenga, Kouzoughin) u kojima je nivo obrazovane djece bio poražavajući kao i u drugim mjestima sa procentualnom stopom ispod 10 % i to pretežno su se školovali dječaci, te jedan mali broj djevojčica.

Iako loša finansijska situacija afričkih škola prividno ne inicira napredak u obrazovanju ove populacije, one uistinu prave prekretnicu na dosadašnji jako slab odziv mališana za školovanje, sa velikom željom za učenjem i obrazovanjem.

Obzirom da ste i Vi dali svoj doprinos pri stipendiranju djece u prilogu Vam dostavljamo izvještaj sa fotografijom djeteta čiji ste donator.

Vaš novac je stigao u ruke mališana koji sada imaju priliku da sjednu u školske klupe, a osim znanja i obrazovanja, pružen im je zagarantovani obrok u školskoj kantini te nada u svjetliju budućnost.

**„Zahvaljujući Vašoj podršci, ove godine imamo znatno povećanje broja djece u našim školama. Prekjuče me zaustavio jedan starac, rekao je da želi da upiše dijete u školu ali to ne može sebi priuštiti. Rekla sam mu, dođi i upiši svoje dijete, MFS-EMMAUS vodi školovanje naše djece i ove godine. Zahvaljujemo se EMMAUS-u i narodu Bosne i Hercegovine. Želimo Vam dug život i mir“.** Učiteljica iz sela Napalgue.

Potaknimo školovanje ove djece jer će im to zasigurno promijeniti život na bolje. Pružamo im instrumente za borbu sa siromaštvom i povjerenje u plemenite ljude.

Dragi naši, mi i dalje nastavljamo sa ovim projektom tako da svi oni koji žele i dalje mogu učestvovati u stipendiranju djece.

Sve dodatne informacije možete dobiti na kontakt telefon 035 726 690 ili na e-mail: [info.ifs@mfs-emmaus.ba](mailto:info.ifs@mfs-emmaus.ba)

Tople pozdrave primite od MFS-EMMAUS-a i djece Afrike.

